

肇慶會館簡史

何思觀口述
鄧夢痕筆記

旅星肇慶十六屬同鄉，數以十萬計，其在星會顯輝煌歷史者，代有英才，指不勝數，初無集體之組織，鄉情少聚，鄉親雖多，無緣會晤，雖偶有相見，亦不相識，陌生之情，不言可喻矣。

迨民國紀元前三十三年，由同鄉前輩司徒長，黃碩，湯五，何顯達等出而倡議組織同鄉集團，復得當時碩彥贊助，於是旅星肇僑，聞風景從，遂召集發起人大會，定名爲肇慶會館，籌備數月，已具規模，即置館址於盒巴必麒麟街（大東酒樓側）舉行成立，遂奠定肇慶會館之大模階也。

會館依據既定之宗旨，對內爲同鄉排難解紛，以團結互助爲原則，辦理病喪二事之濟援。對外贊助公益事業，協謀桑梓福利，成績昭然，館務既興，責重且繁，因感館址未足敷用，爰增設副館於海南街十五號，聊爲養病專所，於是鄉僑稱便，館譽亦日益隆矣。旋由勞麗生，鍾昌榮，郭福臨，何恭扶等相繼領導推行館務，均能克盡厥職，承先啓後，其功亦偉。至民國初年，遷會址於松柏街（即盒巴南京街）五十八號，仍由勞麗生，鍾昌榮分任正副總理，無何，鄉僑吳勝鵬，何思觀等，鑒於時代演進，非有完善設施，難圖更美滿之福利，因是出而號召，一時聞風響應，集議改組，並計劃重修館址，公推吳勝鵬肩任總理，而各同鄉亦慷慨獻金，用以重修會館之需，因而館務日見發展。越數年，吳勝鵬以業務繁忙而退休，改任名譽總理。而總理一席，推何思觀繼任，胡文釗負財政之責，因往策來，館務日新。至民國十年，感覺需要設立總收，遂推何思觀，胡文釗，司徒樹，朱奇軒等負責辦理之，是年秋，即告功成矣。

及後，因松柏街之館址，地契期短，爲謀永遠之基礎計，乃組重新購置會所委員會，推何思觀，胡文釗，吳勝鵬，謝平，黎南，李顯揚，龔湛軒，龔桐圃，黃德驥，郭福臨，源冠曹等負責發動募捐，一時鄉親踴躍認捐，成績優美，遂選購呢律七十七號爲永久會基。詎民國卅一年冬，晨雞尚未報曉，日寇南侵之序幕揭開，星洲亦繼淪陷，河山變色，館務亦因時代之影響而告平淡。翌年，松柏街館址之地契期滿，迫得在風聲鶴唳中遷入呢律新址辦公，未幾，改選胡文釗，鄧耀等全擇館務，更得各董事戮力扶持，始渡危難也。

及民國卅四年八月下旬，聯軍勝利之捷報傳來，本館即圖復興，集耆老碩彥於一堂，策動復興大計，修改章程，通告全體鄉僑重新登記，選胡文釗任卅五年度會長，梁偉謙副之，黃德文爲總務，而推選之董事，亦爲一時俊傑，就職後，因領導有方，和衷共濟，會務日見活躍，蓬勃之氣，遐邇皆羨，鄉僑因是紛紛請求入會，集中意志，集中力量，行見築成肇慶之海外長城也。

越年推梁偉謙，任國源分任正副會長，關勳賀爲總務，除訂定會務方案，以便按步推行外，復感會址殘舊，有失觀瞻，且

其間格，亦未切實用，遂提交董事會決議修重，並發動會員特別捐，將全體董事，分五組出發勸募，幸鄉僑紛紛慨解義囊，間

有因經濟環境不佳，亦能勉力輸將，具見愛護本會之熱忱。

同年四月，館宇修葺告竣，煥然一新，復添置一切應用器物，鄉僑相率來歸，得獲聯歡機緣，而共展社會之宏猷。至今年改選，會長與職員，多屬蟬聯，既駕輕而就熟，應革應興，迭見新猷，追思七十年來，除辦理有益鄉僑事務外，地方之義舉，亦奮勉勵助，茲更出版肇慶紀念特刊，報導鄉情與會務，而展開新興姿態，此亦爲劃時代之表現也。